



Rimnada sistemática da dretg communal dalla Vischnaunca da Sagogn

Nummera **8200.01**

Tetel **Lescha d'uaul**

Ediziu Ediziu dils 13.05.1998

Ediziu dils 04.06.1980

Valeivel 07.07.1998

Remarcas preliminaras

Ord motivs da simplificaziun serefereschan indicaziuns da personas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

| | |
|---|----------|
| I. Disposiziuns generalas | 3 |
| II. Administraziun | 3 |
| III. Cultivaziun digl uaul | 5 |
| IV. Products forestals e prestaziuns forestals | 6 |
| V. Protecziuns encunter donns | 7 |
| VI. Disposiziuns penalas | 7 |
| VII. Disposiziuns finalas | 8 |

Disposiziuns executivas tier la lescha cantunala d'uaul sebasond sin gl'art. 54 dalla lescha cantunala d'uaul (LCU)

I. DISPOSIZIUNS GENERALAS

Intent **Art. 1**
¹ Igl uorden forestal communal regla l'organisaziun, las incumbensas e las obligaziuns dii survetsch forestal dalla vischnaunca.

Principi **Art. 2**
¹ Ils uauls da vischnaunca duein saver ademplier lur prestaziuns da protecziun, d'utilisaziun e dil beinstar public a moda durabla.

II. ADMINISTRAZIUN

Organisaziun **Art. 3**
¹ La vischnaunca ademplescha sias incumbensas entras s'unir cun la vischnaunca da Laax ell'associaziun dil revier forestal Sagogn/Laax.

² Ella elegia dus delegai en la cumissiun dil revier forestal Sagogn/Laax.

Administraziun e survigilonza **Art. 4**
¹ L'administraziun e la survigilonza dils uauls communal ei caussa dalla suprastonza communal. In commember da suprastonza ei gerau d'uaul.

Suprastonza communal **Art. 5**
¹ La suprastonza communal ei responsabla pil manteniment e per la cultivaziun cunvegenta dils uauls communal.

² Ella

- a) fixescha las directivas dalla politica forestala dalla vischnaunca;
- b) surdat lavurs pli grondas;
- c) punescha surpassaments digl uorden forestal communal;

³ Sch'ei vegn tractau en las sedutas dalla suprastanza communal fatgs forestals, vegn il selvicultur da revier envidaus cun vusch consultativa.

La cumissiun da revier

Art. 6

¹ La cumissiun da revier ei responsabla per la grupp da revier. Ella

- a) elegia il selvicultur e persunal dil revier forestal;
- b) approbescha ils contracts da survetsch e las cundiziuns d'engaschament;
- c) approbescha il camet dils duêrs dil selvicultur e persunal;
- d) approbescha il program da lavur, il preventiv ed il quen da menaschi;
- e) decida sur digi acquist d'uaffens, maschinas e vehichels el rom dil preventiv approbau;

Gerau d'uaul

Art. 7

¹ Il gerau d'uaul

- a) ei delegau dalla curnissiun dil revier forestal Sagogn/Laax;
- b) promova l'econornia forestala e la commercialisaziun dalla lenna en vischnaunca;
- c) representa ils interess forestals en suprastanza communal ed ella populaziun;
- d) pren part allas uatgas forestalas;
- e) fa proposta per la surdada da lavurs forestalas pli grondas;
- f) survigilescha la vendita da lenna;
- g) suttascriva ils contracts da vendita da lenna e da lavurs forestalas.

Selvicultur da revier/caumenaschi

Art. 8

¹ Il selvicultur da revier vegn engaschus e salarisaus tenor las disposiziuns executivas decisivas dil cantun. El ha l'obligaziun da menar il menaschi forestal tenor las disposiziuns executivas dil cantun, e tenor il carnet dils duêrs.

III. CULTIVAZIUN DIGL UAUL

Finamira**Art. 9**

¹ Ils uauls communalns ein da cultivar tenor las disposiziuns fixadas en la planisaziun forestala.

Program annual**Art. 10**

¹ Las lavurs sedrezzan tenor il program annual approbau e tenor il preventiv.

Segirtad da lavur**Art. 11**

¹ Lavurs d'uaul astgan vegnir exequidas sulettamein da luvriers scolai corrispudentamein ed observond las disposiziuns davart la segirtad da lavur digl ISAA. Lavurs a tiarzs astgan vegnir surdadas ultra da quei sulettamein observond l'obligaziun necessaria d'agir cun quita.

Protecziun dalla lenna**Art. 12**

¹ Leu, nua ch'igl ei necessari per motivs fitosanitars ni per segirar la qualidad, sto la lenna vegnir allontanada immediat ord igl uaul u vegnir tractada a moda cumpetenta.

Infrastructura**Art. 13**

¹ Per cultivar ils uauls communalns eis ei da crear ina infrastructura cunvegnetta e quella ei da mantener en in bien stadi.

Diever dallas vias d'uaul**Art. 14**

¹ Il fa diever dallas vias d'uaul sedrezza tenor il regulativ da carrar sin vias d'uaul¹.

¹ Midada informala: Remplazzau lescha cun datum entras tetel dalla lescha.

IV. PRODUCTS FORESTALS E PRESTAZIUNS FORESTALAS

- Commercialisaziun** **Art. 15**
1 La vischnaunca commercialisescha ils products forestals e las prestaziuns forestalas tenor il meglier pusseivel. Ella sustegn associaziuns cun las medemas finamiras ed ei commembra dalla SELVA.
- Venlita da lenna** **Art. 16**
1 La vendita dalia lenna vegn fatga dil selvicultur tenor ils principis dallas "usanzas commerciala dalla Svizra"
- Consum intern** **Art. 17**
1 La lenna da diever e da brisch per baghetgs communalns vegn messa a quen pil prezi da fiera.
- Lenna da taxa** **Art. 18**
1 La suprastanza decida davart las cundiziuns da vendita da lenna da taxa allas persunas cun dretg sin quella. Ei vala las perscripziuns en aschunta 1.
- Lenna manecla** **Art. 19**
1 Sco lenna manecla valan lenna secca sidretg e lenna per tiara cun meins che 16 cm diameter en l'altezia dil pèz, sco era roma, scorsa, restonzas da tagl e tocca libra. Tut tgi che vul rimnar lenna manecla sto s'annunziar tier il selvicultur da revier.
- Pigneuls, dascha per cuvierer** **Art. 20**
1 Ils pigneuls e la dascha per cuvierer astgan vegnir tagliai sulettamein sut survegionza forestala. Il selvicultur da revier mira che quei vegni pinau e consignau en uorden e convegnentamein.
- Prestaziuns d'economia colectiva** **Art. 21**
1 Iis cuosts per las prestaziuns d'economia colectiva ein da cumprovar e da metter ton sco pusseivel a quen als guididers. Tut ils recavs per las prestaziuns d'economia colectiva e per utilisaziuns secundaras duein vegnir scretts dabien al quen forestal.

V. PROTECZIUNS ENCUNTER DONNS

Pascalaziun

Art. 22

¹ L'utilisaziun dils uauls sut pascalaziun ei da reglar en cunvegnietscha cun il survetsch forestal en reglaments da pascalaziun ni en projects per separar igl uaul e la pastira.

Fiug

Art. 23

¹ Igl ei lubiu da far fiug egl uaul u en vischinonza da quel sulettamein sch'ei dat negin prighel d'incendi special. Pigl Uaul Grond e gl'Uaul da Canginas e Sogn Giacun vala in scamond da far fiug ordeifer las fueinas ufficialas.

Campar

Art. 24

¹ Igl ei scumandau da campar egl uaul.

Access

Art. 25

¹ Igl access digl Uaul Grond vegn naven dils 1.da december entochen ils 31 da matg restrenschius sin vias e sendas.

VI. DISPOSIZIUNS PENALAS

Cumpetenzza

Art. 26

¹ La suprastonza communal ei cumpetenta per tuts surpassarnents encunter igl uorden forestal, aschilunsch che quels ein buca suttamess alla cumpetenzza d'ina outra instanza.

Castitgs

Art. 27

¹ Ils surpassaments dil present uorden forestal vegnan puni cun castitgs da 100.-- entochen 5'000.-- francs, ultra dall'obligaziun da surprender l'indemnisaziun cumpleina dil donn.

Scadenza, mieds legals **Art. 28**
¹ Ils castitgs e l'indemisaziun dil donn ein da pagar alla cassa communal enteifer in meins suenter la consignaziun dalla disposiziun dil castitg.

² Encunter ils castitgs dai dalla suprastonza communal ha il puniu il dretg da recuorer alla dertgira administrativa.

Obligaziun da denunziar **Art. 29**
¹ Las personas officialas ein obligadas da denunziar ils surpassaments che vegnan ad els ad ureglia.

VII. DISPOSIZIUNS FINALAS

Abrogaziun da dretg da tochen dacheu **Art. 30**
¹ Igi uorden forestal dils 04 da zercladur 1980 vegn abrogaus.

Vigur **Art. 31**
¹ Quest uorden forestal inclusiv l'aschunta van en vigur cull'approbaziun dalla radunonza communal e dalla Regenza dil cantun Grischun.

| | |
|---|------------|
| Ediziun approvada dalla Suprastonza communal ils | - |
| Ediziun approvada dalla Radunonza communal ils | 13.05.1998 |
| Ediziun approvada dalla Regenza dil cantun GR ils | 07.07.1998 |